

URBANISTIČKI PROJEKAT

"BBI CENTAR"

Član 1.

Donosi se Urbanistički projekat "BBI CENTAR" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

1. Uvod
2. Položaj granice i veličine obuhvata
3. Odnos prema planu višeg reda
4. Postojeće stanje
5. Namjena površina i prostorna organizacija
6. Rekapitulacija veličina i urbanističko-tehnički pokazatelji.

Grafički dio sadrži:

1. Faza urbanizam - prezentiran na odgovarajućem broju tematskih karata i to:
 - Izvod iz UP-a
 - Postojeće stanje-valorizacija, spratnost i namjena objekta Robne kuće
 - Planirano stanje - namjena površina
 - Situacioni prikaz sa spratnošću objekta
 - Regulacione i građevinske linije objekta
 - Parterno rješenje sa nivelacionim kotama
 - Idejno rješenje "BBI Centar" (prvoplasirani konkursni rad)
2. Faza toplifikacije - gasifikacije
3. Faza elektroenergetike i javne rasvjete
4. Faza-PTT
5. Saobraćaj
6. Snabdjevanje vodom i odvodnja otpadnih i oborinskih voda
7. Idejni projekat hortikulture
8. Analitička obrada građevinskih parcela

Član 3.

Po jedan primjerak ovjerenog elaborata nalazi se na stalnom javnom uvidu i čuva se u dokumentaciji službi Općine Centar Sarajevo i Zavodu za planiranje razvoja Kantona Sarajevo.

Član 4.

Urbanistički projekat "BBI Centar", stupa na snagu osmog dana od dana objavljivanja u "Službenim novinama Kantona Sarajevo".

Broj 01-49-1452/04
29. juna 2004. godine
Sarajevo

Predsjedavajući
Općinskog vijeća
prof. **Faruk Sijarić**, s. r.

URBANISTIČKI PROJEKAT

"BBI CENTAR"

TEKSTUALNI DIO

Tekstualni dio sadrži:

- Uvod
- Položaj granice i veličine obuhvata
- Odnos prema planu višeg reda
- Postojeće stanje
- Namjena površina i prostorna organizacija
- Urbanističko-tehnički pokazatelji i rekapitulacija veličina

1. UVOD

- Odluku o pristupanju izradi Urbanističkog projekta, "Robna kuća", donijelo je Općinsko vijeće Centar Sarajevo na dvadesetpetoj sjednici održanoj 17. 09. 2002. godine. Na četrdeset trećoj redovnoj sjednici održanoj 25. 03. 2004. godine, Općinsko vijeće Centar Sarajevo donijelo je Odluku o izmjenama i dopunama Odluke o pristupanju izradi Urbanističkog projekta "Robna kuća", gdje je članom 1. definisano da se u Odluci o pristupanju izradi Urbanističkog projekta "Robna kuća" ("Službene novine Kantona Sarajevo", broj 23/02) riječi: "Robna kuća" zamjenjuju se riječima: "BBI Centar".
- Donošenje ove Odluke inicirano je zahtjevom konkretnog investitora da se na prostoru Robne kuće gradi novi poslovno-stambeni objekat.

2. POLOŽAJ GRANICA I VELIČINA OBUHVATA

Granica obuhvata Plana je opisana u Odluci o provođenju Urbanističkog projekta "BBI Centar".

Područje planiranja je ograničeno:

- sa sjevera ulicom Maršala Tita
- sa istočne strane ulicom Radićeva
- sa južne strane ulicom Miss Irbi
- sa zapada pješaćkom komunikacijom uz objekte privredne komore.

Opisane granice obuhvataju površinu od 0,98 ha.

3. ODNOS PREMA PLANU VIŠEG REDA

Urbanističkim planom Grada Sarajeva za urbano područje Sarajevo (Stari grad , Centar, Novo Sarajevo, Novi Grad , Ilidža i Vogošća) za period 1986. do 2015. godine , područje planiranja se nalazi na prostoru koji je utvrđeno kao: - poslovno- stambena zona 1.4.

Rješenja data u okviru Urbanističkog projekta, odnosno način korištenja površina i prostorna organizacija uvažavaju opredjeljenja data planom višeg reda.

Osim kroz Urbanistički plan Grada Sarajeva razmatrano područje je tretirano i kroz studiju "Program razvoja gradskog jezgra Sarajeva" , kojom je definisano da se za ovaj prostor mora izraditi Urbanistički projekat, a osnovna namjena je poslovna. Ovom studijom je utvrđeno maksimalno povećanje postojećih kapaciteta za 30%. Analizom postojećeg stanja od strane Zavoda, a provedene i putem Javnog anonimnog urbanističkog konkursa, ocijenjeno je da prostor može da prihvati povećanu kvadraturu postojećeg objekta, zahtjevanoj od strane investitora. U tom smislu je dostavljen prijedlog Vladi Kantona Sarajevo da se postavke za ovaj prostor utvrđene studijom "Program razvoja gradskog jezgra Sarajevo", koriguju prema novim uslovima. Ovu korekciju u spomenutom elaboratu prihvatila je Vlada Kantona i verificovala na sjednici održanoj 9. 3. 2004. godine.

U ovom smislu Urbanistički projekat "BBI Centar" se izrađuje i donosi prema novim programskim osnovama.

4. POSTOJEĆE STANJE

Unutar posmatranog područja trenutno je smješten devastirani objekat robne kuće "Sarajka" , čije se podzemne etaže pružaju sve do saobraćajnica koje ograničavaju prostor. Objekat sa svim svojim prostornim kapacitetima nije u funkciji i u toku je njegovo uklanjanje. Građevinska površina objekta koji se uklanja iznosi cca 17.500 m² , a tlocrtna površina 2450 m² . Ovaj objekat ima pet (5) nadzemnih etaža, odnosno spratnost P+4. Najviša kota objekta iznosi 23.60 m.

Lokalitet tangiraju primarne gradske saobraćajnice tako da je dobro dostupan, a obzirom da kroz spomenute saobraćajnice prolaze i primarni gradski vodovi komunalne infrastrukture, isti se sa tog stanovišta može smatrati dobro opskrbljenim.

5. NAMJENA POVRŠINA I PROSTORNA ORGANIZACIJA

5.1. Namjena površina

Unutar granica razmatranja ovim projektom je predviđena sljedeća raspodjela površina:

- za potrebe poslovno-stambenog objekta.....7840 m².....79%
- za potrebe kolskog i pješačkog (primarnog gradskog) saobraćaja..1990 m².....21%

Površina namijenjena izgradnji poslovno-stambenog objekta je podjeljena u dva segmenta. Prvi dio je rezervisan za izgradnju objekta "BBI Centra", dok preostali dio predstavlja predprostor "BBI Centra", ali se uređuje i koristi po principu javnih površina. Površina rezervisana za izgradnju objekta je prostor sa pretežno poslovnom namjenom, a pokriva površinu od 4100 m². Maksimalna veličina jedne podzemne etaže je 7900 m².

Prostor koji je rezervisan za potrebe primarnog gradskog saobraćaja predstavljaju pješačke površine uključujući Trg djece Sarajeva i kolske površine.

Posebna pažnja je posvećena definisanju Trga djece Sarajeva koji predstavlja otvoreni javni prostor sa dominacijom pješaka, koji se ne može koristiti za lociranje kolskih pristupa podzemnim etažama.

5.2. Prostorna organizacija površina objekta

Nakon uklanjanja postojećeg objekta u istom prostoru je planirana izgradnja polivalentnog objekta u čijem sastavu će se kao osnovne funkcije zadovoljiti:

- trgovine..... cca 15 %
- trgovačko- uslužni i poslovni sadržaji..... cca 45 %
- poslovno -stambeni sadržaji..... cca 15 %
- garažni i skladišni prostori..... cca 25 %

U zoni prizemlja objekta treba da se omogući komuniciranje pješaka između Trga djece Sarajeva, ulice Miss Irbi i njenog ugla sa Radićevom ulicom. Prizemlje objekta ima za cilj da obezbijedi i sadržaje namijenjene vanjskim korisnicima, odnosno građanima Sarajeva (prodavnice, ugostiteljski sadržaji, usluge) kako bi objekat postao urbani magnet i tačka od interesa za širi krug korisnika.

Od navedenih sadržaja u podzemnom dijelu su smješteni: garažni prostor sa minimalnim brojem od 460 parking mjesta i skladišni prostori. U prvoj podzemnoj etaži se mogu smjestiti i trgovačko - uslužni sadržaji. Preostali sadržaji su smješteni u nadzemnom dijelu.

Sa aspekta arhitektonskog oblikovanja formiran je jednostavan i miran volumen koji definiše jasne profile okolnih ulica i jasnu južnu fasadu Trga djece Sarajeva. Svojim arhitektonskim izrazom i upotrebom materijala objekat ima za cilj da izrazi moderan i savremen karakter vremena u kojem živimo te da na taj način postane atraktivna tačka u gradu.

Osnovna visina objekta je P+5 sa najvišom kotom od 22,0 m u odnosu na kotu ulaza. U cilju zadovoljenja potrebe za odgovarajućim BGP- om objekta planirana je i jedna krovna etaža povučena u odnosu na osnovnu liniju fasade minimalno 4,5 m. Na ovaj način etaža nije saglediva iz zone pješačkih vizura.

Vertikalni akcent sa maksimalnom visinom od 44 m i kvadraturom od 440 m² BGP-a po etaži nalazi se na sjeverozapadnoj strani objekta prema Trgu djece Sarajeva naglašavajući ovaj prostor.

Maksimalna ukupna površina koja je smještena u razmatranom prostoru ne prelazi površinu veću od 56 000 m². Maksimalna površina nadzemnog dijela objekta je 26 000 m² BGP-a.

5.3 Saobraćaj

Saobraćajno rješenje i pristupi podzemnim etažama imaju za cilj unapređenje postojećih pješačkih i kolskih tokova.

Glavni ulaz i izlaz iz ulice Miss Irbi približno je na istom mjestu gdje se nalazi postojeći ulaz i izlaz. Glavni izlaz je planiran na ulicu Radićeva.

Gabariti ulaza i izlaza, nagibi rampi, zaobljenja niveleta i oblikovanje ivica kolovoza su projektovani tako da zadovoljavaju važeće tehničke propise.


Glavni izlaz na ulicu Radićeva treba predvidjeti tako da izlazna rampa bude smještena u objektu, tako da vozila koja izlaze iz podzemne garaže idu dodatnom trakom paralelno sa ulicom, kako bi imala dovoljno prostora za manevriranje i radi bolje preglednosti.

U podzemnim etažama treba obezbijediti minimalan broj parking mjesta od 460 mjesta, prema važećim propisima za pojedine sadržaje smještene u objektu.

6. URBANISTIČKO- TEHNIČKI POKAZATELJI I REKAPITULACIJA VELIČINA

- Ukupna razmatrana površina.....	9830 m ²
1. Poslovno- stambena zona	
- površina nadzemnog dijela namijenjena objektu BBI.....	4100 m ²
- predprostor BBI Centra.....	3740 m ²
2. Površine namijenjene kolskom i pješačkom saobraćaju.....	1990 m ²
- bruto građevinska površina nadzemnih etaža.....	26 000 m ²
- bruto građevinska površina podzemnih etaža.....	30 000 m ²
- ukupna bruto građevinska površina zgrade BBI-a.....	56 000 m ²
- tlocrtna površina prizemlja.....	4100 m ²
- tlocrtna površina jedne podzemne etaže.....	7900 m ²
- spratna visina osnovnog gabarita zgrade BBI Centra.....	22,0 m
- maksimalna visina uvučene krovne etaže.....	3,5 m
- maksimalna visina vertikalnog akcenta.....	44,0 m
Procenat izgrađenosti.....(4100 / 9830 x 100)	42%
Koeficijent izgrađenosti (nadzemni dio objekta).....(26000 / 9830)	2,6
Koeficijent izgrađenosti (ukupni BGP objekta).....(56000 / 9830)	5,6.

GRAFIČKI PRILOG
granice obuhvata urbanističkog projekta
"BBI CENTAR"



URBANISTIČKI PROJEKAT
"BBI CENTAR"

M 1:500

GRANICA OBUHVATA P=0,981 ha

Na osnovu člana 29. Zakona o lokalnoj samoupravi ("Službene novine Kantona Sarajevo", broj 22/00), čl. 7. i 23. Zakona o prostornom uređenju ("Službene novine Federacije BiH", broj 52/02), čl. 20., 26. i 35. Zakona o prostornom uređenju Kantona Sarajevo ("Službene novine Kantona Sarajevo", broj 10/04),i člana 10. Statuta Općine Centar Sarajevo ("Službene novine Kantona Sarajevo", br. 10/02 i 2/04), Općinsko vijeće Centar Sarajevo je, na Četrdeset šestoj redovnoj sjednici održanoj dana 29. juna 2004. godine, donijelo

ODLUKU

O PROVOĐENJU URBANISTIČKOG PROJEKTA "BBI CENTAR"

Član 1.

Ovom Odlukom utvrđuje se provođenje Urbanističkog projekta " BBI CENTAR" (u daljem tekstu: Plan), a naročito: granice prostorne cjeline i granice površina različitih namjena , urbanističko-tehnički uslovi za izgradnju građevine, uslovi za izgradnju objekta , uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata Plana počinje od raskršća ulica Miss Irbi k.č. 1613 i Radićeve k.č. 2121, te polazi na jugozapad idući ulicom Miss Irbi k.č. 1613 (ne obuhvata je) i dolazi do tromede parcela k.č. 1649, 1613 i 1661, ide na sjeverozapad istočnom međom parcele k.č. 1661, koju ne obuhvata i izlazi na ulicu Maršala Tita, k.č. 2119/1 kojom produžava na istok idući njenom južnom stranom (ne obuhvata je) i dolazi do njenog raskršća sa ulicom Radićeva k.č. 2121, nastavlja na jug zapadnom stranom ulice Radićeva k.č. 2121, koju ne obuhvata te dolazi do njenog raskršća sa ulicom Miss Irbi odnosno mjesta odakle je opis granice i počeo.

Sve naprijed navedene parcele nalaze se u K.O. Sarajevo IV. Ukupna površina obuhvata planiranja iznosi 0,98 ha.

Član 3.

Unutar opisanih granica definisane su zone sa sljedećim namjenama:

- A. Poslovno-stambena zona
- B. Zona pješačkog i kolskog saobraćaja

A. Poslovno-stambena zona

Poslovno-stambena zona obuhvata područje čija granica polazi od tačke broj 1 koja se nalazi na parceli k.č. 1613 udaljenoj od jugozapadnog ishodišta lista R= 1:1000 broj 148 po $y=122,5$ m a po $x=133,5$ m, ide na sjeverozapad u pravoj liniji do tačke broj 2 koja je udaljena od jugozapadnog ishodišta lista R= 1:1000 broj 148 po $y=103$ m a po $x=181,5$ m, nastavlja na sjeverozapad u pravoj liniji do tačke broj 3 koja je udaljena od jugozapadnog ishodišta lista R= 1:1000 broj 148 po $y=102,5$ m a po $x=231,5$ m, lomi se idući u pravoj liniji na istok i dolazi do tačke broj 4 koja je udaljena od jugozapadnog ishodišta lista R= 1:1000 broj 148 po $y=185$ m a po $x=231,5$ m, produžava na jugoistok idući u pravoj liniji do tačke broj 5 koja se nalazi na parceli k.č. 1613 udaljenoj od jugozapadnog ishodišta lista R= 1:1000 broj 148 po $y=196,5$ m a po $x=172,5$ m, lomi se idući na jugozapad u pravoj liniji te dolazi do tačke broj 1 odnosno mjesta odakle je opis granice Poslovno-stambene zone i počeo.

Sve naprijed navedene parcele nalaze se u K.O. Sarajevo IV. Ukupna površina obuhvata iznosi 0,78 ha.

B. Zona pješačkog i kolskog saobraćaja

Zona pješačkog i kolskog saobraćaja obuhvata područje čija granica polazi od raskršća ulica Miss Irbi k.č. 1613 i Radićeve k.č. 2121, te polazi na jugozapad idući ulicom Miss Irbi k.č. 1613

(ne obuhvata je) i dolazi do tromede parcela k.č. 1649, 1613 i 1661, ide na sjeverozapad istočnom međom parcele k.č. 1661, koju ne obuhvata i izlazi na ulicu Maršala Tita, k.č. 2119/1 kojom produžava na istok idući njenom južnom stranom (ne obuhvata je) i dolazi do njenog raskršća sa ulicom Radićeva k.č. 2121, nastavlja na jugozapadnom stranom ulice Radićeva k.č. 2121, koju ne obuhvata te dolazi do njenog raskršća sa ulicom Miss Irbi odnosno mjesta odakle je opis granice Zone pješačkog i kolskog saobraćaja i počeo.

Sve naprijed navedene parcele nalaze se u K.O. Sarajevo IV.

Ukupna površina zone pješačkog i kolskog saobraćaja iznosi 0,20 ha.

Iz naprijed navedenog opisa isključuje se područje Poslovno-stambene zone koja je opisana u prethodnoj namjeni.

Član 4.

Urbanističko tehnički uslovi za izgradnju građevina:

- Građevinske parcele utvrđene su idejnim planom parcelacije odnosno regulacionim linijama koje u osnovi određuju granice posjeda. Granice parcela ne mogu prelaziti regulacionu liniju.
- Građevinska linija utvrđuje graničnu liniju objekta u odnosu na javnu površinu, ulicu, drugih građevina ili funkcionalnih cjelina .
- Građevinska linija označava prostor unutar kojeg se gradi odnosno iskolčava građevina, kao i liniju koju građevina odnosno njen najistureniji dio ne smije preći.
- Nadzemni dio objekta, se može graditi na površini koja je pedvidena ovim planom i utvrđena građevinskom linijom.Prizemna etaža objekta mora biti povučena za minimalno 1.5 m u odnosu na zadatu građevinsku liniju .
- Građevinska linija podzemnih etaža utvrđena je grafičkim prilogom "Regulacione i građevinske linije objekta", i može se na zahtjev investitora pomjeriti u granice utvrđene regulacionom linijom, ukoliko bude smetnji u postupku rješavanja imovinskih odnosa ili kolizije sa komunalnom infrastrukturom.
- Nivelaciona kota prizemlja ili suterena u objektu mora se izvesti 15,0 cm više od kote niveleta pločnika uz objekat na sjevernoj strani obuhvata.
- Priključke na saobraćajnice i mrežu instalacija treba u svakom konkretnom slučaju posebno projektovati, a u skladu sa planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača.
- Maksimalna spratnost i odstojanja od susjednih objekata utvrđene su planom i ne mogu se mijenjati.
- Objekat predviđen ovim planom, u arhitektonskom smislu oblikovati i graditi od savremenih materijala.
- Prelazi preko ulica, prilazi objektima, pasaži i druge pješačke površine moraju se projektovati i izvesti na način da ih mogu koristiti lica u invalidskim kolicima i invalidna lica otežanog kretanja.
- Javne površine ne mogu se zaposjedati drugim objektima i sadržajima.

Član 5.

Idejni projekat koji je sastavni dio ovog Urbanističkog projekta predstavlja opravdanost gabarita utvrđenog anketnim konkursom . Investitor, ukoliko ima potrebe može izraditi novi Idejni projekat koji ne može preći vertikalne i horizontalne gabarite utvrđene ovim elaboratom.

U slučaju izrade novog Idejnog projekta treba primjenjivati savremeni materijal, tehnološka rješenja i elemente arhitektonskog oblikovanja.

Član 6.

Površine za parkiranje i garažiranje vozila utvrđene su planom-faza saobraćaja.

Podzemne etaže garaže se ne mogu pretvarati u poslovne prostore, niti na bilo koji drugi način mjenjati njihovu namjenu.

Po potrebi se stambeni prostori mogu pretvarati u poslovne. Poslovni sadržaji se ne mogu pretvarati u stambene prostore ili druge funkcije koje mogu ugroziti sredinu ili zahtijevaju povećanje broja parking mjesta ili predviđene kapacitete komunalne infrastrukture.

Na samom trgu se ne smiju predviđati nikakve građevine izuzev transparentnih konstrukcija koje natkrivaju ili zatvaraju vertikalne komunikacije prema podzemnim etažama.

Član 7.

Unutar saobraćajnog ugla preglednosti se ne može vršiti sadnja visokog zelenila, graditi objekte ili druge fizičke strukture koje ugrožavaju vidljivost raskrsnice.

Član 8.

Pozicija kolskih pristupa u garažne prostore se može u zavisnosti od projektnog rješenja pomjerati uzdužno sa saobraćajnicom za maksimalno 5,0 m, a u skladu sa važećim saobraćajnim normativima. Ovo pomjeranje nije moguće kod izlazne rampe prema raskrsnici ulica Radićeva i Miss Irbi.

Član 9.

Izgradnja objekata privremenog karaktera može se odobriti isključivo za potrebe gradilišta.

Član 10.

Objekti za sklanjanje stanovništva i materijalnih dobara kao i drugi objekti za potrebe NO i CZ moraju biti obezbijedeni u skladu sa članom 179. Zakona o odbrani ("Službene novine BiH", broj 15/96).

Član 11.

U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše.

Član 12.

Pri izdavanju dozvole za građenje arhitektonskih objekata potrebno je pribaviti geološki nalaz i uslove temeljenja od stručnih institucija, a statički proračun mora dimenzionirati konstrukcije za uslove najmanje 8 MČS.

Član 13.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-49-1453/04
29. juna 2004. godine
Sarajevo

Predsjedavajući
Općinskog vijeća
prof. Faruk Sijarić, s. r.

Po izvršenom sravnjivanju objavljenih akata sa izvornim uočena je niže navedena greška i daje se slijedeća

ISPRAVKA

AMANDMANA II-VIII NA STATUT OPĆINE CENTAR SARAJEVO

U Amandmanima II-VII na Statut Općine Centar Sarajevo ("Službene novine Kantona Sarajevo", broj 13/04) naziv mijenja se i glasi:

"Amandmani II-VIII na Statut Općine Centar Sarajevo"

Amandman V trebalo je da glasi:

"Član 23. mijenja se i glasi:

Općinski načelnik obavlja dužnost za vrijeme na koje je izabran. Općinski načelnik može podnijeti ostavku. Općinski načelnik može biti opozvan na način i po postupku utvrđenim Zakonom o direktnom izboru općinskog načelnika u Federaciji Bosne i Hercegovine ("Službene novine Federacije BiH", broj 20/04).

Općinski načelnik ostaje na funkciji do izbora novog općinskog načelnika, a obavezan je izvršiti primopredaju dužnosti na način i pod uslovima utvrđenim poslovníkom."

Amandman VI trebalo je da glasi:

"Član 24 mijenja se i glasi:

Općinskog načelnika za slučaj spriječenosti da obavlja svoju dužnost ili ako je opozvan, privremeno mijenja predsjedavajući Općinskog vijeća, za to vrijeme sjednicama vijeća predsjedava zamjenik predsjedavajućeg Općinskog vijeća.

U slučaju spriječenosti predsjedavajućeg Općinskog vijeća odnosno nemogućnosti da mijenja općinskog načelnika, općinskog načelnika mijenja vijećnik kojeg većinom glasova izabere Općinsko vijeće."

Iza amandmana VI trebalo je da stoji amandman VII koji glasi:

"U članu 61. u stavu 3. riječi: "od 60 dana" mijenjaju se i glase: "od 30 dana".

Amandman VII trebalo je da postane amandman VIII.

Ova ispravka stupa na snagu danom donošenja, a objavit će se u "Službenim novinama Kantona Sarajevo".

Broj 01-49-1499/04
7. jula 2004. godine
Sarajevo

Sekretar
Općinskog vijeća
Amir Zukić, s. r.

OPĆINA NOVO SARAJEVO

Općinsko vijeće

Na osnovu člana 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00), člana 18. stav 1. tačka 4. Statuta Općine Novo Sarajevo ("Službene novine Kantona Sarajevo", broj 12/02), Općinsko vijeće Novo Sarajevo na 43. sjednici održanoj dana 8. jula 2004. godine donosi

ODLUKU

O IZMJENAMA I DOPUNAMA ODLUKE O NAČINU I VISINI PLAĆANJA ZAKUPNINE POSLOVNIH PROSTORA

Član 1.

U Odluci o načinu i visini plaćanja zakupnine poslovnih prostora - prečišćeni tekst ("Službene novine Kantona Sarajevo", broj 9/03) u članu 7. u stavu 4. broj "2004" mijenja se brojem "2006".